

## La SSR – per la musica svizra



Schubertiade 2015  
Funtauna: ©Alexandre Chatton/RTS

La SSR promova la musica svizra ed era novs talents en tuttas spartas da la musica. Ella porscha blera musica svizra en ses programs, realisescha contribuziuns redacziunalas ed emissiuns spezialas sur da la musica svizra.

### La musica svizra profitescha

Grazia ad ina **derasaziun complessiva** da las ovras da musicistas e da musicists svizzers e da la scena musicala da la Svizra, però era grazia a sia elavuraziun publicistica sustegna la SSR la branscha da musica svizra tant a moda directa (acquist da dretgs, divers dretgs da transmissiun) sco er a moda indirecta (elavuraziun, derasaziun, publicaziun, visibilitad).



Funtauna: ©SRF/Martin Stollenwerk

La Traviata a la staziun da Turitg, 2008

#### La Charta da la musica svizra pretenda da la SSR:

- d'emetter in dumber adequat da produziuns svizras
- da promover novs talents
- d'emetter contribuziuns redacziunalas ed emissiuns spezialas davart la musica svizra
- da sa participar ad activitads che promovon la musica svizra

#### Partenaris da la charta da la musica èn:

- Chasa da la Musica Populara
- IFPI Svizra
- IndieSuisse, Associazion svizra dals labels e dals producents da musica independents
- Associazion svizra dals musicists
- Societad svizra dals artists interprets SIG
- Cussegl svizzer da la musica CSM
- Sindicat musical svizzer SMS
- Uniun svizra dals musicists SMV
- Cooperativa dals auturs ed editurs da musica Suisa
- Associazion svizra dals editurs da musica SVMV



Funtauna: ©Alexandre Chatton

Schubertiade 2013, Lausanne





Bastian Baker è il victur dal Swiss Music Awards 2012

## Ina purschida da musica cun success

Ina part impurtanta da la purschida da musica da la SSR è ses emetturs da sparta: «Radio Swiss Pop», «Radio Swiss Jazz», «Radio Swiss Classic», «Radio SRF Virus», «Radio SRF Musikwelle», «RTS Option Musique». Els èn in spievel da la midada sociala e da l'incumbensa da la SSR che sto satisfar als basegns multifars dal public svizzer. Ils sis radios da sparta cuntanschan en tut la Svizra en media mintga di 1,4 milliuns audaturas ed auditurs (2016); in tschintgavel da la populaziun da noss pajais taidla damai almain ina giada a di in da quests programs.



Schwiizergoofe a Winterthur 2015

## La musica svizra – in element central dal program

La cumpart da musica svizra en ils programs da radio da la SSR è stada il 2016 cun 11 fin 50 pertschient considerablmain pli auta che avant diesch onns.

Per cumparegljar: radios locals da la Svizra tudestga emettan en media var 10 pertschient musica svizra. Radios locals da la Svizra franzosa e taliana var 4 respectivamain var 2 pertschient. (Rapport dal cussegl federal davart il service public dals 17 da zercladur 2016, pagina 65).

### Cumpart da musica svizra il 2016 en pertschient

|                          |      |                     |      |
|--------------------------|------|---------------------|------|
| Radio SRF Virus .....    | 52,7 | Radio SRF 3 .....   | 22,1 |
| Radio Rumantsch .....    | 52,4 | Couleur 3 .....     | 21,5 |
| Radio SRF Musikwelle ..  | 41,2 | La Première.....    | 20,4 |
| Radio Swiss Classic..... | 34   | Rete Due .....      | 19   |
| Radio Swiss Jazz .....   | 33   | Espace 2.....       | 16   |
| Radio Swiss Pop.....     | 32   | Option Musique..... | 15   |
| Radio SRF 2 Kultur ..... | 29,1 | Rete Uno .....      | 13,6 |
| Radio SFR 1 .....        | 22,5 | Rete Tre .....      | 11,6 |

## Las SSR – ina partenaria fidada

La SSR surdat **premis da promoziun** a novas bands svizras (Radio SRF 3: Best Talent, Couleur 3: Best Act Romandie) ed emetta mintg'onn registraziuns da concerts da bands svizras da passa 200 uras. Mintg'emna vegnan envidadas en il studio da radio musicistas e musicists svizzers che pon sa preschentar en directa.

Numerus **festivals** en il sectur da pop, rock, jazz, musica populara e classica pon quintar cun la SSR sco partenaria da medias:

- Swiss Music Awards
- Paléo Festival Nyon
- Verbier Festival
- Festival Archipel
- Cully Jazz
- Festas da chant e musica chantunales e districtualas
- Montreux Jazz Festival
- Lucerne Festival
- Menuhin Festival Gstaad
- Progetto Martha Argerich
- Settimane musicali Ascona
- Musica nel Mendrisiotto
- Montebello Festival
- Estival Jazz Lugano
- Open Air Lumnezia
- Alpentöne



Concert da Earth, Wind & Fire a Poschiavo a chaschun dal Festival da jazz San Murezzan 2017

Il «Label Suisse» ha RTS creà il 2004. Igl è in festival da musica urban che drizza sia atenziun exclusivamain sin la scena da musica svizra: rock, pop, folk, musica electronica, hip-hop, chanson, jazz, musica classica e chant choral. Il festival ha lieu mintga dus onns a Losanna.

RTS ha era lantschà il 1980 la «Schubertiade», in festival da la musica classica. Mintga dus onns vegn organisada en in auter lieu da la Svizra franzosa questa occurrenza renconuschida sur ils cunfins svizzers.

L'engaschi da RTR è pregnant e decisiv per la musica da la **Svizra rumantscha**, cunzunt quai che riguarda ils chors. I vegnan documentadas concurrenzias da chant chantunales e regiunalas e registrads sistematicamain concerts e novas cumposiziuns.

La SSR è partenaria dal **Premi svizzer da la musica** organisà dal Uffizi federal da cultura (UFC). Il premi vegn surdà alternantamain a Losanna e Basilea e vegn transmesso en in livestream sin las paginas d'internet da la SSR.

### La Svizra – ina naziun da musica

20 pertschient da las Svizras e dals Svizzers chantan, 17 pertschient sunan in instrument, var 95 pertschient taidlan regularmain musica e 50 pertschient inditgan d'avair visità in'instrucziun musicala.

Il 2014 hai dà en Svizra 8500 eveniments betg commercials en il sectur da musica che 1,9 milliuns persunas han visità. L'Associazion svizra dals organisaturs professionals da concerts, shows e festivals ha arranschà il 2015 bundant 1700 concerts che 5,2 milliuns persunas han visità. En total han ins engaschà 2800 artistas ed artists, da quels var 40 pertschient d'origin svizzer.

Funtauna: Uffizi federal da cultura – statistica culturala 2016

En il sectur da la **musica classica** registrescha la SSR actualmain mintg'onn 500 concerts. In accent spezial dat ella a la promoziun da la musica contemporanea:

Radio SRF 2 Kultur: «Musik unserer Zeit», «Neue Musik im Konzert»

Espace 2: «Musique d'avenir»

Rete Due: «Juke box 900» e «Concerto 900»



Concert da Pasca en il KKL a Lucerna

La SSR collavura cun ils suandants orchesters e cun las suandantas gruppas d'interess:

- RTS – Orchestre de la Suisse Romande (OSR) ed Orchestre de chambre Lausanne (OCL)
- SRG/RSI – Orchestra della Svizzera italiana (OSI)
- SRF – Associazion svizra dals orchesters professionals (orchester.ch) e Societad svizra dals artists interprets (SIG)

La **musica populara** vegn preschentada en tut sia varietad. Cunzunt la puschida da radio da RSI, RTR, RTS e SRF cuvra questa sparta a moda diversifitgada cun emissiuns sco «Zoogä-n-am Bogö», «Rabadan», «Le Kiosque à musiques» e «La populara». L'emettur da radio «Musikwelle» da SRF sa fatschenta prest exclusivamain cun la musica populara. Las isanzas vegnan resguardads



cunzunt en reportaschas en il rom da las grondas occurrenzas federalas sco la festa da jodladers, il 2017 a Brig-Glis, u sco «La vie en fanfare» il 2016 (festa federala da musica). Cun la marca «SRF bi de Lüt» ha SRF creà in'atgna piazza d'emissiun – e quai durant il meglia temp – per preschentar cun reportaschas, documentaziuns ed emissiuns en directa la varietad da la musica e cultura populara, da la cuntrada e da las cundiziuns topograficas. Ultra da quai è la SSR commembra da la Cuminanza d'interess per la cultura populara Svizra e Principadi da Liechtenstein (CICP).

Grazia a la collavuraziun cun ses partenaris internaziunals (EBU, ARTE, 3sat, TV5 Monde) e commercials (labels) contribuescha la SSR a render pli enconuschents musicistas e musicists svizzers a l'exteriur. Grazia a quest barat po ella enritgir ses program cun producciuns da musica da l'exteriur e cun producciuns da musicists svizzers ch'èn activs a l'exteriur.

### Plattafurma innovativa

Mx3.ch è ina plattafurma interactiva per ils geners da musica da rock, pop, jazz ed auters e cumpiglia passa 24 000 gruppas ed artists. Var 100 000 personas la visitan al mais. Indesch staziuns da radio èn partenarias da Mx3 e nizzegian la plattafurma mintga di per chattar novas bands.

A partir da l'avrigl 2017 han ins plinavant integrà en il portal musical la plattafurma da musica interactiva per la musica populara – VxM. Il sector da musica populara sin Mx3 è in lieu da scuntrada per musicists, spezialists, labels, organisatur e fans.

### Commembranzas

La SSR sa participescha activamain a differentas instituziuns da la creaziun musicala svizra:

- Cussegl svizzer da la musica
- Fondation pour la Chanson et les Musiques actuelles
- Fundaziun Sinfonie Orchester Basel
- Fundaziun Suisa
- Fundaziun svizra per il radio e la cultura (Swissperform)
- Cuminanza da lavur per la derasaziun da la musica svizra

### La SSR sustegna la musica svizra

- Var 35 milliuns francs paja la SSR a la Suisa per dretgs, 6 milliuns van a Swissperform
- Il 2016 han musicistas e musicists ch'èn commembers da Suisa survegnì 6 milliuns francs (Rapport annual 2016 da la SSR)

Schubertiade 2015



Funtauna: ©Alexandre Chatton/RTS

Extract or da la concessiun dal Cussegl federal a la SSR 2007 (translaziun):

#### Art. 2 Incumbensa da program

<sup>4</sup> La SSR contribuescha:  
 b) al svilup cultural ed al rinforz da las valurs culturalas dal pajais per promover la cultura svizra cun resguardar spezialmain la litteratura, la musica e la cinematografia svizra, en emprima lingia cun emetter producciuns svizras independentas da l'organisatur ed emissiuns producidas en l'atgna chasa.

<sup>6</sup> La SSR furnescha sias prestaziuns en spezial cun:  
 e) collavurar stretgamain cun la branscha da musica svizra

#### Art. 18 Collavuraziun cun la branscha da musica svizra

La SSR reglescha la collavuraziun cun la branscha da musica svizra tenor l'art. 2 al. 6 lit. e en ina cunvegna. Sch'i na dat nagina cunvegna, po il DATEC far prescripziuns (inclus quotas) en connex cun il resguard e la promoziun da la musica svizra da vart la SSR.



Funtauna: ©RTS/Cedric Vincensini

Schubertiade 2011